

洞玄靈寶諸天世界造化經

天尊說經開敘品第一

太上天尊居靈鳥山中與諸天人說十二部經於是乃分四十萬品弟子書之故曰妙道爾時天尊化爲居士而智慧無窮而告眾曰我學道以來九十一劫斷求念空故得無想定通眾聖中王以洞達之照得見天地敗而更成眾生死而復生無有窮已如日月圍繞崑崙之山玄照四方天下周而復始無止息時有四千崑崙四千日月四千天下有大海水四千大龍王宮四千大金翅鳥王宮四千大惡道高數萬里大神山高數千里大神樹萬種種大地獄合爾所名爲小劫世界數是小劫世界千道藏輯要

造化經

九

房集六

名爲中劫世界數是中劫世界千名爲三界大劫世界從彼始成至後七日並出悉燒敗之一切蕩盡後復更成一如往法無休止時自然如是無神爲也亦如眾生死而復生但其壽長遠人不知之又眾生死時形滅而神移皆緣其生時所作罪福至彼五道之處何謂五道一者天道二者人道三者地獄之道四者餓鬼之道五者畜生蟲獸之道若其人生世積德深厚得上福則生天道長壽好形安樂無極還知宿命因緣之事若其生世得在中福則生人道得其富貴之門無所不足若其人生世福微罪多得在下福則生貧賤之門凡事下惡所向無可或得盲聾瘖瘂六疾醜惡奴婢臭處臊穢之身是上一二道雖有優

劣猶勝是下三塗有生之苦若其人生世慳貪恡惜不施飢渴
不濟窮急卽生餓鬼之道當受鬼形腹如懸鼓喉中容縷縱見
美饌不能得食長受饑餓形色醜惡兼有長年思滅不得若其
人生世奉親無孝九族無仁惡及百姓羣衆所忌者則生地獄
之道受其罪鬼之形常被考毒不可勝說若其人生世好殺害
眾生射獵爲事屠割爲業不知修福但行惡事卽生畜生之道
爲彼羊牛猪鵝鷄鴨受其屠割秤賣之報如先身所爲誰能見
是唯得道者知之謂汝未信故說偈頌

天地諒改換

何等能常存

出生必入死

神隨五道緣

敢或有欺誑

地獄相拘連

道藏輯要


造化經

三

房集六

但當修善業

悔過滅罪根



太上耀靈之符行之無怠超凌三界得離五苦轉輪不滅位爲

真人

崑崙山王四天下品第二

道言我在玄化之前故有太上號見彼崑崙山王以金銀琉璃水精作之上高三百三十六萬里下有大海圍之深亦三百三十六萬里廣亦三百三十六萬里地深二十億萬里次下有地亦深二十億萬里次下有粟金二十億萬里次下有剛鐵二十億萬里次下有水深八十億萬里次下有大風深厚五百二十億萬里以是大風持地使有墮落地浮水上水浮風上其下大空異天地也崑崙山北以金光照之其天下名鬱單越地方四十萬里人壽千歲其髮紺色男女長短同等無有高下民悉好

道藏輯要

造化經

三

房集六

善不復相教作惡者也凡四天下是天下最勝三天下也又崑崙山西以水精照之其天下名大唐界其中如半月之形廣長三十二萬里人壽二百歲其人長短皆有人間之事壽天之年又崑崙山東天下以銀光照之名碧落界地方四十六萬里地正圓人壽三百歲或長或短皆有人間之事壽天之年又此崑崙山南以琉璃光照之地方二十八萬里其地名棄賢界其人或長或短於人間最苦不如彼三天下人也年壽無定猶有一事勝三天下及上諸天人者其人勇猛求道易也若能修福從我道者逕上生天堂或出三界得無上道如其積罪者死入地獄俄頃之間無有定品又崑崙之山在黃曾天下太微帝君或

天律乘真正魔邪神符騰福至與道昇遐立都司契犯法不赦
急急如律令

日月旋照四天下及天上品第三

道言崑崙山上方三十六萬里其中神聖居之各有方位又有
日月天子光明具足普照天下唯月城之中有五風轉行月中
有四宮五夫人有騫樹上高四十里所以影見月中善人見之
其樹有實不可稱說又有七仙精舍及七寶之山七寶之樹此
等仙人常修我道終無橫夭損壽也汝曹若欲生是長壽天中
者當修是下五事一者慈心不殺愛存物命二者賢良不盜濟
救窮急三者用心貞潔不犯外色四者奉齋護戒精進無倦五
道藏輯要

造化經

三

房集六
七十三

者誠信不欺減酒慎過行是五事必得生天謂汝不信故說偈
頌

時行叵能制

哀哉生世促

如何萌罪辜

天官所糾錄

一往無拯拔

沈魂淪地獄

速願生天好

三塗不可觸

何不建福業

生天必可果

况復神仙法

告眾聖品第七

太上天尊說是經已爾時眾聖諸君丈人九老仙都君九炁丈人等悉皆在座咸曰善哉上白天尊如是悟道無不宗仰請問彼諸天世界復有至化不天尊告曰自我學道九十一劫因學教化六十二億塵沙世界或分神散體同其生死或化作金剛瑠璃之光或爲帝王聖智長老童子或爲神瑞仁獸獅子白鹿麒麟鳳凰種種方便無所不通但天下眾生罪業深重緣期未至不能受化終歸地獄其中受化之者悉得至道不生三界汝曹既覩道場唯當闡揚道教濟度羣生爲發大願普令國主帝王總及諸天地法界一切臣民下至蝸飛蠕動蚊行之類皆使開悟不入三塗十苦八難死得無極之樂生得法身無量之壽七寶宮殿無物不足汝能如是濟度則爲天人之師可不勉也天尊告曰是經出世未可隱藏同契相授景福由昌謬傳流俗獲罪招殃於是眾聖稽首悉皆稱善信受奉行

道藏輯要

造化經

无

房集六

太上尊靈經之符濟育羣生開悟盲冥雜妙華香修心恭敬得

太上尊靈經之符濟育羣生開悟盲冥雜妙華香修心恭敬得

道藏輯要

造化經

香

房集六

金光之身無量壽命急急如律令

諸天世界大洞品第四

道言三界之人凡有三生一者花生二者化生三者胎生花生者積福深厚於蓮花中生爲彼天人化生者福有神力於變化中生唯有胎生福德微淺最爲下劣託神肉形年壽短促不如天人天人雖樂猶在三界之內至其壽盡還生下土無由得道真人無死能有能無金剛不能爲固石壁不能爲障雷霆不能爲駛水火不能爲患諸天不能爲隔智慧不能爲長鬼神無不降伏有生無不宗仰是爲無上三界之人得道者與虛空合體無盡者也其化生者先有善功應化故也欲希昇度喻如脫身


救獸忘死求道當行萬善斷棄俗緣隱居山林奉禮羣聖日夜
齋直沐浴潔清洗蕩口齒不食臭惡令精神附著不害羣生唯
道是從誓願不絕得道飛仙如是之教語諸仙官道士有法服
之身非是帝王臣民所能行之但能遵行十善修奉五戒不染
十惡必生上天八劫之壽有兼聖則得生道非誑汝也

道藏輯要

造化經

五

房集六
184



諸天齊功隨願卽報紀德仙都及諸羣魔鬼神有來聽者增官

益族早得天道爲金光真人不輕慢玄都律吏明如律令

小劫大劫天地敗成品第五

道言地有三災一者火災二者水災三者風災先爲小劫後爲大劫小劫至時陰陽氣變水旱不調五穀匱乏一切木石草棘及眾生指爪盡力刀劍互相殺伐人民死盡兼人命短淺忽自誑惑七日之內相殺都盡是洪水滔溢洗蕩天地山川改換土地平坦甘露降臻真人下生身有明光名曰崑崙爾時洪水美好味甘除患一種七獲如有便和不淨地卽裂之受已還合人壽八萬歲女年五百歲方乃行嫁天下快樂同彼上天其後真人過去後生之徒漸漸積罪經是數千萬年地獄滿溢大劫欲

道藏輯要

造化經

三

房集六

至帝王臣民父子上下相殘民無忠孝君無慈仁劫盜橫起逆暴相仍爲惡之苦劇於大劫之前及四天之下人情盡惡無有往日淳風之俗於是大劫始至大災先起二日並出乃至三四日五日六日七日一時俱出是數萬億年河海乾涸眾生死盡天尊觀地上其中男女散戲地味之草顏色變惡失其光明其身卽重不能飛去常居下苦於是天尊愍此眾苦令日月還生星宿復度風雨順時天降甘露地出醴泉人無疾病華色赫奕其壽六萬食自然之米衣自然之服後世人性行轉薄罪根萌生年壽漸短自然衣食忽自殄滅乃食鳥獸之肉衣其皮羽更相殘害罪負日積陰陽不調雨旱不節冬則穴處夏則巢居

以避時害未有衣食禮義之節死入地獄不得生天如是萬億之年方生聖智感降教化伏牛乘馬造火田蠶衣食君人之事以相維制有高下貴賤之差能行至善行合道教則得生天如其不然悉入地獄冥冥萬劫無有出期以是之故今說偈頌

地獄徒罪苦

永劫無出期

覺毒由身植

信哉莫爾嗤

形滅反泉壤

神魄隨功基

天地猶一忽


汝無疾風時

道藏輯要

造化經

卷

房集六



下敷元生和神之度翼是靈經天人慶慕扶福三界除汝罪故

敢能毀墮獄律無怒急急如律令

九幽地獄品第六

道言其黃曾天下凡有九州皆以小海環之流通崑崙大海我今教化之處名曰赤縣小洲中爲九州法彼大洲者也是小九州之人聰明巧僞少有真實希得生天多人入九幽地獄縱橫數十萬里其中冥冥盡是罪人或洋銅灌口或鑊湯煮之或猛火燒之或鐵叉刺之或鐵鎚鎚之或火杖拷之或屠解其形懸其頭首或擔沙負石填河塞海大神結政徒罪無赦或爲一劫二劫三劫四劫乃至百劫是劫有大深坑方四十里告令罪人作役百年投一芥子至是坑平滿名爲一劫又有大石方四十里

道藏輯要

造化經

天

房集六

×三〇〇

告令罪人徒作百年以天衣一拂須是大石消盡名爲一劫爾時罪人哭泣相向相謂曰芥子至小是坑深廣何當平滿是石堅勁天衣輕眇百年一拂何當消盡而獄吏聞之怒而告曰如是之劫其數二十未名半小劫也罪人聞之氣思哀咽死而復生將知入是科罪無復出期方恨先身不孝惡逆爲賊殺生誹謗經道奪人之命負人之財姦巧盜取不奉神道致有是報者也我見如是念汝士女不可爲罪故說偈頌

坑石不爲名

二十非大劫

悠悠徒罪中

神魄不爲滅

須臾起身形

甃爾復屠裂

鑊湯爲蒸煮

刀風爲殂切

愍哉下天人

何不建福業

生天必可果

况復神仙法

告眾聖品第七

太上天尊說是經已爾時眾聖諸君丈人九老仙都君九炁丈人等悉皆在座咸曰善哉上白天尊如是悟道無不宗仰請問彼諸天世界復有至化不天尊告曰自我學道九十一劫因學教化六十二億塵沙世界或分神散體同其生死或化作金剛瑠璃之光或爲帝王聖智長老童子或爲神瑞仁獸獅子白鹿麒麟鳳凰種種方便無所不通但天下眾生罪業深重緣期未至不能受化終歸地獄其中受化之者悉得至道不生三界汝曹既覩道場唯當闡揚道教濟度羣生爲發大願普令國主帝王總及諸天地法界一切臣民下至蝸飛蠕動蚊行之類皆使開悟不入三塗十苦八難死得無極之樂生得法身無量之壽七寶宮殿無物不足汝能如是濟度則爲天人之師可不勉也天尊告曰是經出世未可隱藏同契相授景福由昌謬傳流俗獲罪招殃於是眾聖稽首悉皆稱善信受奉行

道藏輯要

造化經

无

房集六